

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تجدید قوانین

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

تجدید قوانین

اسکدار بدایت محکمه سی باش کتایته محکمه
مذکوره ضبط کتبه سندن توفیق اقدی تعیین اولنمش
واصول مقررده وجهله امر تحلیفی اجرا قلمشدر .

تبدیلات

اصول محاکمه حقوقیه قانوننک ایکی یوز یکرمی
ایکنجی ماده سنده کوسرلیدیکی وجهله هر بر تمیز
عرفخاله مستدعی تمیزک استدعای واقعه ده حقسنز
حقیقیدی تقدیرده خصمنک نظاماً تعین ایده جک
مصارف محاکمه سیله ضرر وزیانی ایفایه کفالت
اولندیغی مشعر وموقع رسمیدن مصدق بر قطعه
کفالت سندی ربط ایدرک اوراق متفرعه سائرده سیله
برلکده اعطا ایتسی جمله شرائط تمیزیه دن اولدیغی
وبوقیل کفالت سندلرینک موقع تصدیق دخی
نظامنامه مخصوصنده بیان وتعداد اولنان وظیفه لری
اعتباریه محاکم ابتداییه نزدنده بولنان مقاولات
محررلکلی بولندیغی درکار اولوب موادعادیه وتجاریه
متدار بولنان مقاوله نامه لره بولنره متفرع اوراق سائرده نک
وعلی الخصوص دعاوی استینافیه وتمیزیه ضمننده
ارائه سی مشروط اولان کفالتی ناطق سندانک قوانین
ونظامات مرعیه احکامنه موافق اوله جق ومحا کجه
قبول اولنیه جک برحاله تنظیم وتصدیق معاملاتنک
تأمینی مقصدیه تأسیس وتشکیل اولنان مقاولات
محررلرینک حقوق ومنافع طرفینی احکام قانونیه
توفیقاً محافظه صورتنده ایضای وظائف مودوعیه
دقت واعتنا ایتلری امور لازمهدن اولدیغی حالده
بعض مقاولات محررلکرنجه خارجده تنظیم ولاجل
التصدیق ابراز اولنان ویاخود کندو طرفلرندن
تنظیم وتصدیق قلنان تمیز کفالتنامه لرندن اکثرینسک
مندرجاتیه صور تصدیقه سی تعریقات قانونیه مطابق
اولمیدی کوریلرک حالبوکه اصول محاکمه حقوقیه
قانوننک سالف البیان ایکی یوز یکرمی ایکنجی

ماده سی موجبجه تمیز استدعاسنده بولنانلرک حقسنز
حقیققلری تقدیرده خصمنک نظاماً تعین ایده جک
مصارف محاکمه سیله ضرر وزیانی ایفایه تعهدوکفالتی
متضمن ارائه سنه مجبور اولدقلری سندانک حین
تنظیم واعطاسنده طرف خصمه ترتب ایده جک ضرر
وزیان ومصارفک مقدار وکیتی بالطبع معلوم اوله میه
جعی وبونک ایلروده تعین وتین ایده جکی جهتله
سندات مذکوره نک تقییددن آزاده وصورت مطلقده
اوله رق عبارات صریحه قانونیه وجهله مستدعی
تمیزک حقسنز حقیقیدی تقدیرده خصمنک نظاماً
تعین ایده جک مصارف محاکمه سیله ضرر وزیانی
ایفایه کفالت اولندیغی ناطق اولسی امور لازمهدن
ایکن سندات مبحوث عنانک اکثرینسده تعین مقدار
ایله تمیز عایک شو قدر غروش راده سنده وقوع
بوله جق ضرر وزیان ومصارف محاکمه سی تأدییه
کفالت اولندیغی قید وشروطی مندرج اولسندن
ویاخود بالکزمصارف محاکمه نک اداسنه تکفل
ایدیلرک ضرر وزیانی تعهد آلتنه آلتنامسندن
وبعضینک دخی عبارات قانونیه مغایر ومعنا
استنباطی متعسر برطاقم الفاظی محتوی بولنمندن ناشی
قانونه غیر موافق وعند التمیز شایان قبول اوله میه جعی
محقق اولان سندات مذکوره نک مقاولات محررلکرنجه
تصدیق ایدلمکده ومحکمه تمیز استدعاده سنده شو
اسبابدن طولای قانون مذکورک ایکی یوز یکرمی
اوچنجی ماده سی احکامنه توفیقاً شرائط لازمینی جامع
اولمیدی آکلاشیلان تمیز استدعا نامه لری رد اولنمقده
اولوب اگرچه مهمل تمیز هنوز مرور ایتماش اولدیغی
تقدیرده مدت باقیه داخلنده مستدعینک یکیدن شرائطنه
موافق استدعا نامه تنظیم واعطاسیله تمیزه تکرار
مراجعت طریق قانونیسی موجود بولنمش ایسه ده
بولنردن اکثری مدت باقیه طرفنده تجدید استدعا
ایده میه رک مقاولات محررلرینک خطیئاتندن طولای
تمیز حقسندن محروم اولدقلری کی تجدید استدعا
ایدنلرکده بویوزدن فضله مصارفه کرفقار ومعاملات
زائده جریانیله دعاوی تمیزیه نک رؤیت وتدقیق
تأخیر وتعویقه دوچار اولمقده اولدیغی مثللو سندات

مذکوره نک معاملات تصدیقه سنک یولسز لغه کلنجه
دعاوی تمیزیه مصارف محاکمه سیله بوندن متولدضرر
وزیانه کفالت ایدنلرک اصنافک درجه ثروت واعتباری
منسوب اولدقلری اصنافدن واصحاب املاک عهده
لرنده بولنان املاک مقدار وقیمتی دخی دائره
عائده سندن استفسار اولنورق ایفای کفالتاقتدارلری
آکلاشدقندن واملاک مذکوره نک علی الاصول قیدینه
اشارت ایتدیلرکدن صکره زیر کفالتنامه ده بولنان
مهر وامضالری کندولرینک اولدیغی وکفالت واقعه
لری معتبر وشایان قبول ایدوکی بیانیله هم امضا
ومهرلری وهمده درجه اعتبارلری وتجارت اوطه سی
بولنمان محملرده تجاردن کفیل اولنلرک کذلک درجه
ثروت واقتدارلریله مهر وامضالری مقاولات محررلری
طرفندن تصدیق اولنوب بالکز تجارت اوطه سی
بولنان محملرده تجاردن اولان کفالتک امضاومهرلری
مذکور محررلککردن واعتبار مالیسی دخی صور
محرره دائره سنده تجارت اوطه سی هیئت جانبدن
تصدیق قلمق مقتضی اولدیغی حالده شو بولده ایقای
وظیفه و تدقیقات تمیزیه نتیجه سنده حقیقیه جق
تمیز علیه قارشو اداسنه کفالت اولنان ضرر وزیان
ومصارف محاکمه نک بالاده بیان اولندیغی وجهله
ایلروده تعین ایده جک مقدارینک کفیلک درجه
اعتبارینی تصدیق شرحنده تعین وتحدیدی صراحت
قانونیه مغایر اولدیغی جهتله ذکر اولنان مقاولات
محررلکرنجه دقت واعتنا ایدیلرک سندات مذکوره نک
قسم کلیسی (کفالتک اوچ بش یوز غروش راده سنده
برمبلنی تأدییه اقتداری کافی اولدیغی) قیدیه ویاخود
بو مقدارده (وقوعبوله جق ضرر وزیان ومصارف
محاکمه ایفایه مقتدرکی کورندیکی) الفاظ وعباراتیله
بالتقید تصدیق ایدیه کلکده وسندات مذکوره مندر
جآنک قانونه عدم موافقتدن متولد مشکلات ومخاذیره
بومسئله ده دخی تصادف ایدیه کلکده بولندیغندن
واصول موضوعه وقواعد مرعیه غیر موافق حرکات
ایله وظیفه مأموریتی سوء استعمال ایدن محررلر حقنده
جزای نقدی وتضمینات اخذی وعزل وتبديل ویا تعطیل
مأموریت صورتلریله جزا ترتیب وتعیینی نظامنامه

مخصوصی احکامندن وبالاده بیان اولدییی وجهله تمیز کفالتامه لریک تنظیم وتصدیق معاملتک یولسزانی بولرک احکام وتعریفات قانونیه و اصول وقاعدسه مطابق وموافق اولماسنی تشکیل ایتکده اولسنه کوره شو معامله دخی نظامنامه مذکور احکامنجه حقارنده ترتیب جزائی ایجاب ایتدیرن احوال وحرکات جمله سندن اولدیغی جهته بعد ازین سندات وحوث عنانک تنظیم وتصدیق امرنده مکرراً سبق ایدن تبلیغات عمومی ایه تفصیلات منبروده یه توفیق معامله ایتدیکی تبیین ایدن مقاولات محررلرینک اصول محاکمه حقوقیه قانونک الی یدئیجی مادهسی موجبج کرک محکمه تمیزدن وقوعبوله حق اشعاره بناء وکرک نظامنامه مخصوصک اوتوز برنجی ماده - سنده کوسرلیدیکی اوزره وظائف تفتیشیه نک ایفاسی ائنده یولسزانی آکلاشیلان بوقیل سندانک موجود اولان قیوداتی اوزرینه رأسمدی عمومی معاونلری جابندن حقارنده تعقیبات نظامیه اجراسنه ایتدار ومنسوب اولدقاری محکمه یه جلب واحضار اوله رق بالمحاکمه ترتیب جزالری واداره عزل وتبدیللری کی معامله انتباهیه وقانونیه ایفاسیه امثاله عبرت مؤثره ارانه سی حالاً ومصاححه مقتضی ایدوکندن بحثله اولوجهله ایجاب ایدلره تبلیغات ایفاسی محکمه تمیز ربست اولاسندن ویریلان مذکرده بیان اولنمی اوزرینه بوباده شمده یه قدر تعمباً ومکرراً وصایای لازمه اجرا قلندیغی حالده هنوز حکم قانونه توقفاً ایفای وظیفه ایتدکاری آکلاشیلان مقاولات محرر- لری حقدنه اولوجهله معامله قانونیه اجراسی سندات مذکورنک بولنده تنظیم وتصدیق خصوصک اصول وقانونه توفیق وحقوق طرفینک تأمین امرنده تداییر کافیه دن اولسلیه صورت اشعار موافق حال ومصلاحت کورینه رک تعریفات مسروده دأره سنده وظائف مودوعه وتفتیشیه نک حسن ایفاسه دقت واعتنا قلنسی ۲۷ حزان سنه ۳۱۷ تاریخنده تعمباً عدلیه مفتش واستیناف مدعی عمومیرینه تبلیغ اولمشدر .

محاکمات قضاوت

آخصاره تابع سنتجیلر قریه سندن حسین اوغلی خلیل ابراهیم ایه خربوتلی عبدالله اوغلی عاشر نام دیگر راشدک جرح اولتلرندن طولانی جنایتله اتهام اولنان قریه مذکورده خطبی کاظم بک اوغلی احمد اقدینک درت سنه مدله کورکه قولنسنه دأر صارو- خان سنجائی بدایت محکمه سی جزا دأره سندن ایکنجی دفعه اوله رق ویریلان ۱۰ نومرولی اعلامک ۱۴ جزیران سنه ۳۱۷ تاریخنده تصدیقه

چق آباد قضاوتک کسردک قریه سندن طالع ه اوغلی سعیدک کیفیت قتلدن طولانی جنایتله اتهام اولنان قریه مذکورده دن احمد اوغلی سیدک اون بش سنه مدله کورکه قولنسنه دأر انقره ولایتی استیناف محکمه سی جزا دأره سندن ویریلان ۲۹۰ نومرولی اعلامک ۳۰ جزیران سنه ۳۱۷ تاریخنده تصدیقه احمد اوغلی یعقوبک اثنای راهده اوکنه حقه رق نقودیه اشیا سی اخذ وغصب وکندیسنی جرح ایلدکاری ادعاسیه جنایتله متهم بولنان صاری اسماعیل اوغلی صالح وکوسه احمد اوغلی ابراهیمک اوچر سنه مدله کورکه قوللرینه دأر بولی سنجائی بدایت محکمه سی جزا دأره سندن ویریلان ۶۷۲ نومرولی اعلامک ۴ اغستوس سنه ۳۱۷ تاریخنده تصدیقه بغداد اهالی سندن حاجی غلام علینک خانه سنه لیلاً بالدخول اشیا سی سرقه ایلدکاری ادعا قلنسندن طولانی جنایتله اتهام اولنان کاظم بن احمد وقهوه چی شریف بن عثمانک اوچر سنه مدله کورکه قوللرینه وحمادی بن سلمان ایه سید علینک برائتارینه دأر بغداد ولایتی استیناف محکمه سی جزا دأره سندن ویریلان ۵۶ نومرولی اعلامک ۶ اغستوس سنه ۳۱۷ تاریخنده تصدیقه

زوجی حوایی قتل ایلدیکی ادعاسیه متهم بولنان زازا ذوالفقارک اون بش سنه مدله کورکه قولنسی حقدنه دیاربکر ولایتی استیناف محکمه سی جزا دأره- سندن ویریلان ۱۹۹ نومرولی اعلامک ۲۳ جزیران سنه ۳۱۷ تاریخنده تصدیقه

بلاط ناحیه سنده کاش بوز یقوشی ناحیه سندن قسطنطنی اوغلی پنا یوطک لیلاً خانه سنه دیواردن آشه رق بالدخول موجود اولان آقونلری سرقه تصدی ایلدکاری ادعا قلنسندن طولانی جنایتله اتهام اولنان قطار اوغلی رمضانک اوچر سنه مدله کورکه قولنسنه و نشأتک حین ایقاع جرمدن اون بش یاشی اکال ایتماش بولندیغی جهته جزا قانوننامه هایوننک قرقچی ماده سنه توقفاً مستحق اولدیغی اوچر سنه کورک جزاسنک لائی اولان بر سنه مدله حبسنه دأر قردسی سنجائی بدایت محکمه سی جزا دأره سندن ویریلان ۱۷۳۸ نومرولی اعلامک ۵ جزیران سنه ۳۱۷ تاریخنده تصدیقه

یدلرنده اوراق مضره ظهور ایلدیکی وارباب فساددن اولدقاری ادعاسیه جنایتله اتهام اولنان اخلاط قضاوتک ذلک قریه سندن رنجبر اسپاطور ولد کیفورک بش سنه مدله قلعه بند ایدلسنه بولانق قضاوتک قوب قریه سندن موسیسیان سحاق ولد بوزینک برائنه دأر دیاربکر ولایتی استیناف محکمه سی

جزا دأره سندن ویریلان ۵۶ نومرولی اعلامک ۱۷ جزیران سنه ۳۱۷ تاریخنده تصدیقه آلاشهر قضاوتک قیزل چقور قریه سندن کهای اوغلی حاجی موسانک لیلاً خانه سنه بالدخول نقودنی اخذ وغصب ایلدیکی ادعاسیه متهم بولنان قریه مذکو- ردلی قوجه حسن اوغلی علی منلانک اوچر سنه مدله کورکه قولنسنه دأر صاروخان سنجائی بدایت محکمه سی جزا دأره سندن ویریلان ۳۰۳ نومرولو اعلامک ۱۸ جزیران سنه ۳۱۷ تاریخنده تصدیقه بولادین قصبه سنده حاجی قدیر اوغلی یونس مخدومی مصطفانک کیفیت قتلدن طولانی جنایتله متهم بولنان قصبه مرقومده دن چوبان محمدک اون بش سنه مدله کورکه وضعی حقدنه قره حصار صاحب سنجائی بدایت محکمه سی جزا دأره سندن ویریلان ایکی نومرولی اعلامک ۷ جزیران سنه ۳۱۷ تاریخنده تصدیقه جمعه قضاوتک قولارجه قریه سندن شا کر بن زاقونک قتل اولنسندن طولانی جنایتله متهم بولنان قریه مذکورده لی زینل بن علینک اون بش سنه مدله کورکه قولنسنه دأر سرفجه سنجائی بدایت محکمه سی جزا دأره سندن ایکنجی دفعه اوله رق ویریلان ۲۰۳ نومرولی اعلامک ۲ جزیران سنه ۳۱۷ تاریخنده تصدیقه محکمه تمیز جزا دأره سنجه قرار ویرلشدر .

—*—

باچقافسارتی ترجمانی موسو ژون هیشک ایه بیوک درده ساکن میخالا کینک باغچه لرندن کچه لین قودشون بورو سرقه ایتدکاری ادعاسیه مظنون اولان کوش اوغلی داوید و دیمتری و تنکجه چی چراغی لئونک یدیشر آئی حبسلرینه

بک اوغلنده کوچک پارمق قپوده ساکن دیمتری ولدواسلک بقال سیمونک دکاندن برتنکه غازسرقه ایتدیکی و محکومیت سابقه سی بولندیغی ثابت اولدیغندن آئی آئی حبسنه

سفر اوغلی نیقولاکی ایه یانی وولطو ولد طناشک بارخصت رسمیه استعماله مأذون بولندقاری سیغاره کاغذینه مخصوص علامت فارقه لرینی تقلید ایتدکاری ادعاسیه مظنون اولان اشخاصدن قطار جیلرده ساکن استقانک علامت فارقه نظامنامه سنک اون دردنجی ماده سی موجبججه ایکی و مطععه چی محمد خلوصی اقدی ایه طودوری ولد مانول وقیصریه لی واسیل و بوردانک برر آئی حبسلرینه

حق دخولی اولمادیغی حاده صابیه ده یکی محله جوارنده حاجی تیمور محله سنده ساکن مرانغوز زنجی رضوانک باغچه سنه کیرمش اولان یازنجی محمد بن خلیلک اوچر کون حبسنه

بشکطاشده اوزونجه اووه جاده سنده یدی نومرولی

خانه ده ساکن احمد نوری اقدینک صوحی ادمم اغانی ضرب ایتدیکی ثابت اولدیغندن اون کون حبسنه یکدیگری ضرب ایتدکاری ادعاسیه مظنون علیه اولان دولکر طودوری وصیوای تئودوس ولد اسپرونک برر هفته حبسلرینه قولتوخی مناحیجی ضرب ایلدیکی ادعا قلنان چاقو ایسافک برر هفته حبسنه

بدنده مالک شاهانه دخولی ممنوع غزته ظهور ایتدیکی ثابت اولان خاصکویه قهوه چی یاققو نام شخصدن جزا قانوننامه هایوننک ایکی یوز الی دردنجی ماده سی موجبججه بش بشک جزای نقدی اخذینه

بشکطاشده کوی ایچنده ساکن طادجی سیمون ولد یورکی ایه طاشچی پوستول ولد دیمترینک ایساقی ضرب ایتدکاری تبیین ایتکله هرایکسینک برر هفته حبسلرینه

جنجک قریه سنده ساکن عبدالله اقدی بی ضرب ایلدیکی ادعا اولنان باب ضعیفه ده مستخدم پولیس افرادندن حسین اقدینک فعل مذکورده جرأتی تحقق ایتدکندن اون بش کون حبسنه

کوکسوده باغچوان نیقولینک فصولیه لرینی سرقه ایلدکاری ادعاسیه مظنون بولنان باغچوان چراغی طناش وفلیک فعل سرقه جرأتلری ثابت اولدیغندن برر یقچ ماه مدله حبسلرینه

اون بر یقچ کبلو غرام قشاق توتولنه دردست اولنان ارزنجانی یعقوبدن رتیوز انش غروش جزای نقدی اخذینه

بلدییه چاوشلرندن محمد اشدی بی ضرب ایلدیکی ثابت اولان مانو خاندک ایکی هفته حبسنه

قاسم پاشاده اقامت ایدن سوریجی یوان ولد واسلک قسطنی جرح ایلدیکی تحقق ایتدکندن برر هفته حبسنه باب ضعیفه طومره جیلرندن خرپوطلی مصطفی بن علی بی ضرب ایلدکاری ادعا اولنان میخانه چی میخال ایه یانیدن برر آتون آله رق مصطفایه اعطاسنه قومقپوده اسکه جاده سنده ۱۹ نومرولی دکانده کورجیلک ایدن چشمک زکلی مولود بن احمدک یتش لیراسنی طولانیدرینی ادعا اولنان فرانسه دولتی تبعه سندن جزایلی حاجی علی بن احمدک آئی ماه حبسنه وطولانیدرینی یتش لیرانک بالتحصیل مولود اغایه اعطاسیه برابر کندوسندن بش آتون جزای نقدی اخذینه

کوش صوبی خسته خانه سی تیارجیلرندن فواد بن جلالک خلاف نظام سلاح طاشدینی وبقال چراغی پوستولک مجروحیتنه سببت ویردیکی شهادت ایه ثابت اولدیغندن اون کون حبسنه

صابیه مرکزنده مستخدم پولیس نظمی اقدینک آراهه چی یورکی ضرب ایتدیکی تحقق ایتدکندن یکرمی کون حبسنه

مانو سابطای ضرب ایدن یاسفک بر هفته حبسنه خلاف تبیه اوزرلرنده ییچاق طاشدقاری ثابت اولان طوغرامه چی اصنافدن شمعیل حسنی ومحمود بن مصطفادن ایکشر بشک جزای نقدی اخذینه

کوملکچی احمدی ضرب ایتدیکی ادعاسیه مظنون اولان یورغانچی حقدین ایکی آتون آتوب مضروبه ویرلسنه

احمد جمال اقدینک ابراهیم چاوشه حرف اندازلق ایتدیکی ثابت اولدیغندن اون کون حبسنه

قوندره چی علی آغایه اطاله لسان ایلدیکی ادعا قلنان شکریدن بر عدد جمیدی آتون جزای نقدی اخذینه

بقال میخالی ضرب ایلدیکی ادعا اولنسندن طولانی مظنون اولان آراهه چی اسکدارلی محمدک اون کون حبسنه قهوه چی صالحک ساعتی کتم ایدرک امنیتی سوء استعمال ایلدیکی ادعاسیه مظنون اولان سقا حسنک ایکی آئی حبسنه وساعت بدلک کندوسندن تحصیلیه مدعی به اعطاسنه ورع مقداری جزای نقدی اخذینه

قهوه چی میچو ولد نیقولینک ساعتی سرقه ایلدکاری ادعاسیه مظنون اولان قهوه چی اسپروولد طناش ایه ارنبود قریه سنده یکی محله ده یکرمی اوچ نومرولو خانه ده ساکن دیمتری نام دیگر نیقولی ولد یورکینک آلتیشر ماه حبسلرینه ومسروق ساعتک دخی صاحبنه اعطاسنه

قصاب روسجقلی احمد اقدی ایه اسماعیل وعلینک وقولتوخی اسماعیل بن ابراهیم وخایم هرشک آقچلرله البسه سی طولانیدرینی ادعاسیه مظنون بولنان قالیونجی قوللغنده یکرمی ایکی نومرولو خانه ده ساکن مرانغوز علقونک بر سنه حبسنه وایچ لیرا جزای نقدی اخذیه طولانیدرینی آقچلرک تضمیننه

طاطاوا له ده دیوارچی محله سنده مقیم خدمتکاریترو ولد نیقولینک یکشمهرده ساکنه ماری بنت پنا یوطه شهر سلاح ایتدیکی وعمال لامبوی جرح ایلدیکی ثابت اولدیغندن اون بش کون حبسنه

عزیز بن شریفک ترزی یایه لی واسیل ولددیمتری بی ضرب وجرح ایلدیکی ثابت اولدیغندن بر سنه حبسنه

نور عثمانیه قومیسری علی رمزنی اقدی به اطاله لسان ایدن فرانسه دولتی تبعه سندن جزایلی حاجی احمد بن آتون جزای نقدی اخذینه

غلطه ده بالی بازارنده شرابی خرساکی ولد بیاطو آلی ضرب ایتدیکی ثابت اولان شرابی سینو وینوس ولد قسطنطیندن اوچ آتون آله رق مضروبه اعطاسنه

وایور عمله سندن خرسو ولد استیونک بک اوغلنده قهوه وشکر تاجری دوستونی ولد دیمترینک بر حوال قهوه سی سرقه ایتدیکی وغلطه ده لبیجی زقاغنده آئی نومرولی دکانده میخانه چی دیمتری ولد یورکینک دخی مرقومه یتاقلق ایلدیکی ثابت اولدیغندن هرایکسینک بشر ماه مدله حبسلرینه

سایطان احمدده آق بیق محله سنده اون ایکی نومرولی خانه ده ساکن آشچی حسینک طوبخانه عامره تحقیقی مأمورلرندن ذغنی اقدی به حقتاره جرأت ایلدیکی مرتبه نبوته واصل اولدیغندن اوچ عدد لیرای عثمانی جزای نقدی ایه محکومیتنه

یکدیگری ضرب ایلدکاری ادعاسیه مظنون بولنان دولاب دره جاده سنده ساکن نظارت ولد مرکز والنجی مکه ونظامیه تحقیق مأمورلرندن ابراهیم و آراهه چی آرداش ولد آغوبک برر هفته حبسلرینه

طوبقپوده یازید محله سنده ساکن حسنی ضرب ایدن جاباز خلیلک بر هفته حبسنه

آراهه اعمالجیسی محمدی ضرب ایدن آشچی مصطفی ایه حافظ محمدک برر آتون جزای نقدی اعطاسیه محکومیتارینه

پرمق قپوده ساکن خیری بن نعمانه اطاله لسان ایدن چکه حجه صغیر قضاسی نفوس مأموری حمدی اقدیندن یارم لیرا جزای نقدی اخذینه

مادام ماری بی ضرب ایلدیکی ادعاسیه مظنون بولنان قاضی قریه سنده مهرداد جاده سنده ساکن وایور آتشجیلرندن یانی ولد یورکینک اون بش کون مدله حبسنه

یکی چشمه ده مناولق ایدن حقی نام کسنه بی ضرب ایلدیکی ادعاسیه مظنون بولنان پولیس چاوشی صلاح الدین اقدینک بر ماه مدله حبسنه

کوچک بقال قریه لی باغچوان دیمستوقی ایه میخانه چی اکسنافونک یکدیگری ضرب ایلدکاری آکلاشلدیغندن برر هفته حبسلرینه

کوچک جاملیجه ده نظامیه قره غوطخانه سنده مصطفای ضرب ایلدیکی ادعاسیه مظنون اولان یکجی عمر بن عثمانک اون بش کون حبسنه

پچاوره چی بسینونک زوجی سی رفقه بی ضرب ایدن اسکچی صالونک زوجی سی دیده دن بر آتون آله رق مضروبه رفقه به اعطاسنه

قاسم پاشاده زندان ارقه سنده کوچک کبری زقاغنده ساکن صدیق خانمه اطاله لسان ایدن حافظه خاندن بر آتون جزای نقدی اخذینه

خاصکویه آراهه جیلر زقاغنده ساکن صالون ایه ایه زوجی حقدلرنده محل ناموس سوز سوبلیدیکی

ادعاسیله مظنون اولان مانیفاتوره جی دانیلدن بر آلتون جزای نقدی اخذینه
ایتالیادولتی تبعه سندن قونجه نی ضرب ایلدکلی
ادعاسیله مظنون بولسان غلطه ده قیو ایچنده بایزید
زقاغنده ساکنه آنطه بنت قسطنطینک اون کون و همشیره سی
اقتیمیانک بر هفته حبسلرینه درسعادت و بک اوغلی
واسکدار بدایت محکمه لری جزا دائره لرجه قرار
ویرلشدیر.

مُجَازِمَاتُ نَتَبَاهِیَّة

برغمه قضاسی نائی و بدایت محکمه سی رئیس
خلیل کامل و محکمه مذکوره اعضاسندن میخالاکی
افندیلرک وظیفه مأموریتلری سؤ استعماله جرأت
ایتدکلی آیدین و جزایر بحر سفید ولایتلری عدلیه
مفتشکنجه اجرا قلنان تحقیقاتی حاوی اوراق
مندرجاتندن آکلاشلماغه رئیس و اعضای مومی -
الیهمانک محاکمه آلتیه آلتیرینه مآذونیت ویریلرک
محلّه تبلیغات اجرا ایدلشدیر.

اِغْلَانَاتُ

محکمہ منابت رباعیه:

باب والای سرعسکری حقوق مشاوری محمد
رشید افندیکنک کدک پاشاده کائن خانہ سندن بشیور
کسور لیرا سرقی کیفیتندن طولای مہمه اولان
اوزونجه بویلی اون آلتی یاشنده براتلی زینب بنت مستان
الدہ ایدیلہ مامش اولدیغندن تاریخندن اعتباراً جانب
ریاستندن کندوسنه اون کون مهل اعطا قلنمشدر
مهلمعین ظرفنده کلدیکی حالدہ قانونه اطاعت ایتامش
نظریله باقیلہرق حقوق مدنیہ دن اسقاط قلنہ جنی
و محاکمه غیابیہ سی اناده اموالی حجز ایدیلہ جکی و بو
صرہ ده برکونه ادعایه حتی اولہ میہ جنی و علیہ نہ
دعوا یہ قیام اولنہ جنی و بالجمہ ضابطہ عدلیہ مأمورلرینک
کندوسنی طومتغہ مجبور بولندقلری امری اعطا
و مہمه نک املاکی حجز اولنق اوزره مدعی عمومیلکه
تبلیغات مقتضیه اجرا ایدلدیکی جہتلہ اصول محاکمات
جزائیہ قانوننک اوچیوز یتیش برنجی و اوچیوز یتیش
ایکنجی ماده لرندن استنباط اولسان احکامہ توفیقاً
اشبو قرارنامہ اعلان اولنور.

ایکنجی محکمہ تجارتمند:

استانبولده بالق بازارنده سونکر جیلرده ۱۶۵

نومرولی مغازه فوقنده بر نومرولی یازینخانه ده مقیم
قومیسونجی اهللو واسیلیونک ۷ تشرین ثانی ۳۱۷
تاریخندن اعتباراً افلاسنه و معاملات افلاسیه نک ایفاسی
ضممنده اعضای محکمه دن سعادتلو رضابک افندی ژور
قومیسر و دعوی وکیللرندن قره مان اوغلی طنشاک
افندیکنک موقت سندیک تعیینه و مفلسک تجارتکاهنک
تمہیریلہ کندیسنه و فامایاسنه الزم قسمنک تفریقندن
صکرہ متباقی اشیای بیتیہ سنک ثبت دفتر ایدیلہ رک
محافظه سنه واشبو قرارک موقتاً اجراسنه درسعادت
ایکنجی تجارت محکمه سندن قرار ویرلدیکی جہتلہ
قانوننامہ تجارتک ۱۷۰ نجی ماده سی موجبجه مفلس
مرقوم ذمتده آله جنی اولانلرک موقت سندیکلرک
اصالته تحویلی و یاخود یکیدن سندیک انتخاب و تعیینی
حقنده مومی ایلہ ژور قومیسر بک افندی ایلہ استشارہ
اولنق اوزره اشبو تشرین ثانیکنک یکریمی ایکنجی
پنجشنبه کونی ایکنجی تجارت محکمه سنک افلاس
اوطه سنہ کلری اعلان اولنور.

فی ۷ تشرین ثانی سنہ ۳۱۷

اعلامات نظامیه امرا دارمہ سندن:

ککبوزہ قضاسنک اوچیوز درت سنہ سی واردات
عشریه سی بدل التزامندن طولای مالیه خزینہ جلیله -
سنک یاغ تجارندن ایوب صبری افندیکنک کفیلی
درسعادت و بلاد ثلثہ بازار باشیسی متوفی عثمان افندی
ذمتنده آلاجنی اولان اللی بشیک درتیوز اللی یدی
غروشک مع فائض و مصارف محاکمه تأمین استیفاسی
ایچون اعشار نظامنامہ سنک اوتوز طقوزنجی ماده سی
موجبجه کفیل مومی الیهک عہده سندن اولوب حجز
اولنان و مدیون متوفانک ورثه سنہ انتقال ایدن لغہ
جوارنده کاتب قاسم محلہ سندن ناظر زقاغنده کائن
تخمیناً یوز اللی آرشون عرصہ اوزرینه مبنی آلتی
اوطه اوچ صفہ و بر مطبخ و کوشک، اتصالنده آرابهلق
و آخور و اشجار مشمرہ نی حاوی بر مقدار باغچه نی شامل
بر نومرولی کارگیر خانہ نک نصف حصہ شایعه سیلہ
ینہ مذکور خانہ نک آرقہ جہتسندن جامع شریف
زقاغنده کائن تخمیناً ایک یوز آرشون عرصہ اوزرینه
مبنی اون اوطه حرم و اوچ اوطه سلاملق و اوچ صفہ
و بر حمام و بر صهرنج و بر قیو ایلہ مطبخ و قیو ایچروسی
مالطہ ایلہ مفروش اون اوچ نومرولو کارگیر خانہ نک
دخی تمامی تاریخ اعلانندن اعتباراً اون بش کون
صکرہ بالمزایدہ فروخته تشبث اولنہ جنی درسعادت
اعلامات نظامیه اجرا دائره سندن اعلان اولنور.

فی ۱۰ تشرین ثانی سنہ ۳۱۷

عایشہ خانمک درسعادت برنجی حقوق محکمه سندن
استحصال ایدلیدی اعلام موجبجه قومقبوده جلال
بک محلہ سندن ساکن ایکن الیوم محل اقامتی مجهول
دلبندجی کر قور ذمتده آلاجنی اولان مبالغ معلومہ نک
تأمین استیفاسی ایچون مرهون و فروختی محکوم اولان
کدک پاشاده بوسستان محلہ سندن خان ایچی زقاغنده
دلبندجی خان نامیلہ معروف مقدماخل الیوم یکریمی درت
نومرولو عرصہ طقسان برکون اجرا ایدیلان مزایدہ
علنیہ نتیجه سندن لیرای عثمانی یوز غروش حسابیلہ
درت بیک درت یوز غروشده طالی مریم قالدین
عہده سندن تقرر ایتیش و بوندن زیادہ یه طالب ظهور
ایتیوب قرار قطعیمی کشیدہ قلنمش و مقدمات غیبوتی
واخیر آمد کور عرصہ نک مزایدہ سی حقنده علی الاصول
غزته لرلہ اعلانات اجرا ایدلیدی حالدہ مدیون مرقوم
الآن غائب ایدوکی آکلاشلمش اولدیغندن اخبارنامہ
مقامنه قائم اولق اوزره تاریخ اعلانندن اعتباراً سکر
کونه قدر مرقوم طرفندن دائره یه مراجعتلہ تسویہ
دین ایدلیدیکی و یاخود تقرر ویرلیدیکی حالدہ مدت
مذکورہ نک اتقاضانی متعاقب رضا و تقریرینه باقیمہرق
مماملہ فراغینک اجرا ایدیلہ جکی صوک دفعہ اولہرق
درسعادت اعلامات نظامیه اجرا دائره سندن اعلان
اولنور.

فی ۱۰ تشرین ثانی سنہ ۳۱۷

محکمہ تجارت امرا دارمہ سندن:

صراف علیکساندر افندیکنک عالیہ خانم ذمتده
محکمہ تجارت اعلامیلہ آلاجنی اولان آچہ نک تسویہ سی
ایچون خانم مومی الیهانک غلطه ده شفتالی زقاغنده
بش اوطه و بر طاراجہ و بر قیو و آلتندہ بر باب دکان
و مشتملات سائرہ نی حاوی شهری ایکی یوز غروش
ایجار کتورر اون سکر نومرولو وینہ مذکور زقاقده
سکر اوطه و بر طاراجہ و بر قیو و آلتندہ بر باب قهوه
خانہ و مشتملات سائرہ نی حاوی شهری بشیوز غروش
ایجار کتورر اوتوز آلتی نومرولو ایکی باب کارگیر
خانہ ده متصرفہ اولدیغنی ثلث حصہ شایعه لری تاریخ
اعلانندن اعتباراً اون بش کون صکرہ موقع مزایدہ یه
قونیلہ جفندن اشتراسنه طالب اولانلرک ودها زیادہ
معلومات المقی استیانتلرک محاکم تجارت اجرا دائره سنہ
مراجعت ایللری دائره مذکورہ دن اعلان اولنور.

فی ۶ تشرین ثانی سنہ ۳۱۷

مطبوعہ عثمانیہ